

“Fieste de Patrie dal Friûl 2026” Publicât il bant de ARLeF par sostignî lis manifestazions culturâls inmaneadis dai ents locâi

I ents locâi a varan a disposizion cuasi 70 mil euros par organizâ manifestazions culturâls in zonte al event principâl.
Scjadince ai 24 di Fevrâr dal 2026.

Si fâs dongje la edizion numar 49 de **“Fieste de Patrie dal Friûl”**, che **si fasarà domenie ai 12 di Avrîl a Montenârs e Dartigne, par onorâ i cincuante agns dal taramot**. Cemût che e previôt la leç regionâl 6 dal 2015, la ARLeF - Agenzie regionâl pe lenghe furlane, e à publicât il bant par sostignî lis manifestazions culturâls inmaneadis dai ents locâi par celebrâ la date di costituzion dal Stât patriarcjâl furlan, ai 3 di Avrîl dal 1077. **Pal 2026** la Agenzie, daûr di chel che e à deliberât la Region Autonome Friûl-Vignesie Julie, e à metût **a disposizion 67.500,00 euros**.

A podaran zovâsi dai fonts i ents locâi che a àn la sede legâl intai teritoris des ex provinciis di Gurize, Pordenon, Udin e i siet Comuns furlans de Region Venit (Cint, Concuardie, Fossalte, Gruâr, Puart, San Michêl dal Tiliment, Tei).

Daûr di ce che al fisse il bant – disponibil cu la modulistiche par presentâ la domande te sezion “Publicitât Legâl” dal sît istituzionâl de Agenzie www.arlef.it – a saran finanziadis chês ativitâts che a vuelin celebrâ la **“Fieste de Patrie dal Friûl 2026”**.

In particolâr: events che a smirin a fâ cognossi e/o aprofondî lis lenghis, la storie e la culture dal Friûl; ma ancje la stampe e la difusion di libris, publicazions, audiovisîfs o prodots musicâi che a vedin chest stes obietîf; infin, la preparazion di spetacui teatrâi o musicâi in lenghe furlane. No si tignarà cont di chês domandis là che il finanziament domandât al è plui bas di 500,00 euros, e di chês cuntune spese calcolade amissibile inferiôr a 555,56 euros.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

Lis ativitâts culturâls a podaran jessi inmaneadis di un ent locâl ugnul o di agregazions di ents locâi. Lis **domandis a varan di rivâ dentri dai 24 di Fevrâr dal 2026**, dome midiant PEC ae direzion: arlef@certgov.fvg.it

Par dutis lis informazions su chest bant, si pues clamâ il numar 0432 555812, o scrivi a: arlef@regione.fvg.it.

Udin, ai 10 di Fevrâr dal 2026

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<

AGENZIE REGIONÂL PE LENGHE FURLANE - AGENZIA REGIONALE PER LA LINGUA FRIULANA - REGIONAL AGENCY FOR FRIULIAN LANGUAGE
Via della Prefettura, 13 - 33100 Udine / Udin Tel. +39 0432 555812 - Fax +39 0432 204158 - e-mail arlef@regione.fvg.it - www.arlef.it